

621 Dô er si verre komen sach,
 hin zer herzoginne er sprach:
 »kumt jenez volc gein uns ze wer?«
 si sprach: »ez ist Clinschors her,
 5 die iwer kûme hânt erbiten.
 mit vreude si koment nû geriten
 unt wellent iuch enpfâhen.
 daz darf iu niht versmâhen,
 sît ez diu vreude in gebôt.«
 10 Nû was ouch Plippalinot
 mit sîner clâren tohter fier
 komen in einem ussier.
 verre ûf den plân si gein im gienc,
 diu magt in mit vreude enpfîenc.
 15 Gawan bôt ir sînen gruo;,
 si kust im stegreif und vuoz
 unt enpfîeng ouch die herzogîn.
 si nam in bî dem zoume sîn
 und bat erbeizen den man.
 20 diu vrouwe und Gawan
 giengen an des schiffes ort.
 ein teppech unt ein kulter dort
 lâgen; an der selben stete
 diu herzogîn durch sîne beten
 25 zuo Gawane nider saz.
 des verjen tohter niht vergaz,
 si entwâpente in, sus hœre ich sagen.
 ir mantel hete si dar getragen,
 der des nahtes ob im lac,
 30 dô er ir herberge pflac;

er dô sp.: *T (nur U)
 »kumet ein v. *T (nur U)

 mit vrôuden k. si (si nû *T [nur U] [L]) g. *G (*T)

 daz ensol iu *T

 ûf jenen pl. *T
 mit vrôuden in *G (ohne G) (*T)
 bôt in s. *T (nur U)
 im den (om. I) stegreif unde den vuoz. *G (nur GI)
 in (Sie L) e. ou. diu h. *G (ohne Z)
 si nâmen in (in ðch G) *G (nur GI) · bî dem z. sîn. *G *T
 si bat (baten I) e. disen ([d*]: den V) man. *G *T
 Orgeluse unde G. *G (*T)

 hœrt ↓*G (ohne I) *T
 ir mandel hiez man ir (om. I) dar tragen (Jrn mandel het sie dar zv getragen Z), *G
 n. über im *T (nur U)

*D: D Z *m: m *G: G I L Z *T: U V

1 Initiale D Z L 4 Initiale G 10 Majuskel D 13 Initiale I

3 uns] mir Z 5 Die ewers kumens habn erbiten Z 6 Mit frevden komen sie geriten Z · mit vrôuden koment (komen m) si nû geriten (ým gerigen m) *m 9 ez diu vreude in] inz die freude Z 13 den] dem *m L 14 in mit vreude] mit frevden in Z (*m) 19 und] Sie Z · den] disen Z 20 Orgeluse vnd gawan Z 24 durch sîne] sunder *m 27 Sie entwapent in hort sagen L · hœre] hort Z (*m) 28 getragen] zv getragen Z